



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 724, Datë 19.11.2020

“Mbi autorizimin e përqendrimit të realizuar nëpërmjet përfimit të kontrollit të shoqërisë Hans Müller HMP Medizintechnik GmbH dhe shoqërisë Hans Müller medizinische und technische Gase GmbH nga shoqëria Messer Medical Home Care Holding GmbH”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Z. Eduard YPI	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 19.11.2020, shqyrtoi çështjen me:

Objekti: Autorizimi i përqendrimit të realizuar nëpërmjet përfimit të kontrollit të shoqërisë Hans Müller HMP Medizintechnik GmbH dhe shoqërisë Hans Müller medizinische und technische Gase GmbH nga shoqëria Messer Medical Home Care Holding GmbH.

Baza Ligjore: Ligji Nr. 9121, datë 28.07.2003 “Për Mbrojtjen e Konkurrencës”, i ndryshuar, nenet 2, 10-12, neni 24, germa d, dhe nenet 53-64. Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit”, formulari i njoftimit të përqendrimit dhe Udhëzimi “ Mbi procedurat e thjeshtuara për trajtimin e disa përqendrimeve”.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfimit të kontrollit të shoqërisë Hans Müller HMP Medizintechnik GmbH dhe shoqërisë Hans Müller medizinische und technische Gase GmbH nga shoqëria Messer Medical Home Care Holding GmbH,

VËREN SE :

Transaksioni dhe përqendrimi

Pranë Autoritetit të Konkurrencës, është depozituar njoftimi lidhur me përfundimin e kontrollit të shoqërisë Hans Müller HMP Medizintechnik GmbH dhe shoqërisë Hans Müller medizinische und technische Gase GmbH nga shoqëria Messer Medical Home Care Holding GmbH.

Sipas Marrëveshjes së Shitjes dhe Transferimit të Aksioneve, të nënshkruar më datë 29 shtator 2020, palët janë:

Blerësi : Messer Medical Home Care Holding GmbH është një shoqëri me përgjegjësi të kufizuar, me seli në Taunus, Gjermani dhe me numër regjistrimi HRB 6810. Objekti i shoqërisë është administrimi i pasurive të veta, blerja, mbajtja dhe administrimi i investimeve, në veçanti mbajtja dhe administrimi i shoqërive në fushën e zhvillimit, prodhimit dhe shitjes së gazrave të gjitha llojeve, produkteve mjekësore, pajisjeve laboratorike si dhe shërbimet e lidhura me to, etj. Kjo shoqëri është pjesë e Messer Group GmbH.

Messer Group GmbH, është një shoqëri me përgjegjësi të kufizuar, me seli në Frankfurt, Gjermani dhe me numër regjistrimi HRB 73307. Objekti i shoqërisë është zhvillimi, prodhimi dhe shitja e gazrave të çdo lloji, gazrave mjekësore dhe pajisjeve laboratorike etj.

Messer Group është prezent në Shqipëri nëpërmjet shoqërisë së kontrolluar prej tij Messer Albagaz SHPK.

Messer Albagaz SHPK, një shoqëri e krijuar sipas legjislacionit shqiptar, me NUIS K78317002F. Objekti i aktivitetit të saj është prodhimi, shpërndarja dhe shitja e gazrave industrial, mjekësor dhe speciale si dhe të pajisjeve që lidhen me to, etj.

Garantuesi: MIG Holding GmbH me seli në Taunus, Gjermani dhe me numër regjistrimi HRB 6413, ka si objekt të veprimtarisë mbajtjen, menaxhimin dhe blerjen e aksioneve në shoqëri që janë veçanërisht aktive në fushat e zhvillimit, prodhimit dhe tregtimit të makinerive, aparateve, pajisjeve dhe materialeve shtesë për teknologji saldimi dhe prerje, pajisje mjekësore dhe pajisje laboratorike si dhe shërbimet përkatëse të ndërlidhura me to. Objekti i shoqërisë përfshin në veçanti financimin e shoqërive në të cilat ka pjesëmarrje.

Shitësi: Hans Müller, i lindur më 21 Mars 1962 dhe banues në Nurnberg, Gjermani

Target 1: Hans Müller HMP Medizintechnik GmbH, është një shoqëri me përgjegjësi të kufizuar, me numër regjistrimi HRB 25169 dhe me seli në Nurenberg. Kjo shoqëri zotërohet nga Z. Hans Müller. Objekti i shoqërisë është shitja e pajisjeve mjekësore me fokus në pneumologji, terapi intensive dhe për kujdesin në shtëpi.

Target 2: Hans Müller medizinische und technische Gase GmbH është një shoqëri me përgjegjësi të kufizuar, me numër regjistrimi HRB 27165 dhe me seli në Nurenberg. Kjo shoqëri zotërohet nga Z. Hans Müller. Objekti i shoqërisë është shitja e gazeve mjekësore dhe teknike.

Vlerësimi i konkurrencës

Transaksion plotëson kriteret e përcaktuara në nenin 10 dhe 12, të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar dhe si i tillë kërkohet autorizimi nga Komisioni i Konkurrencës.

Referuar nenit 3, pika 7, të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar, si edhe Udhëzimit Nr.76, datë 07.04.2008 “Për përcaktimin e tregut përkatës”, treg përkatës do të konsiderohet tregu i produkteve dhe shërbimeve për trajtimin e pacientëve në shtëpi ku përfshihen ventilatorët dhe pajisjet e oksigjenit, inhalatorët dhe pajisjet thithëse, pajisjet e terapisë dhe diagnostikimit si edhe gazet e duhur për përdorimin e pajisjeve, por duke qenë se transaksioni nuk do të ketë asnjë ndikim në tregun shqiptar si edhe duke iu referuar praktikave të Komisionit Evropian në çështje të ngjashme, tregu përkatës i produktit do të lihet i hapur. Treg përkatës gjeografik u konsiderua territori i Republikës së Shqipërisë.

Transaksioni i propozuar është përfitim i kontrollit të shoqërisë Hans Muller HMP Medizintechnik GmbH dhe shoqërisë Hans Muller medizinische und technische Gase GmbH nga shoqëria Messer Medical Home Care Holding GmbH.

Messer Medical Home Care Holding GmbH është pjesë e Messer Group GmbH. Messer Grup është prezent në Shqipëri nëpërmjet shoqërisë së kontrolluar prej tij Messer Albagaz SHPK.

Target 1 dhe Target 2, shoqëritë Hans Muller HMP Medizintechnik GmbH dhe Hans Muller medizinische und technische Gase GmbH nuk realizojnë xhiro dhe nuk kanë degë në Shqipëri.

Përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dh për këto arsye, transaksioni i synuar nuk do të sjellë asnjë ndryshim dhe nuk do të ketë asnjë ndikim në tregun shqiptar.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,

VENDOSI:

1. Të autorizojë përqendrimin e realizuar nëpërmjet përfimit të kontrollit të shoqërisë Hans Muller HMP Medizintechnik GmbH dhe shoqërisë Hans Muller medizinische und technische Gase GmbH nga shoqëria Messer Medical Home Care Holding GmbH.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS